



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 17. Ecclesia Anglica.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII. cti, Patricii, vel alio quocunque nomine
 A. C. 1278. deferatur; ac nequis hoc munus ultra
 annum obeat.

§. XVII.

Ecclesia Anglica.

Anglorum Rex Eduardus Papæ exponi curaverat suum propositum sacræ militiæ nomen dandi, & Palæstinæ suppeditias eundi: ideoque secundum mentem Concilii Lugdunensis postulabat decimas: sed has anticipare cupiebat, nisi hoc iter faceret, restitutionem spondens. Papa de consilio Cardinalium ei sic respondit: Postquam solenni ritu crucem indueris, parati sumus tibi concedere decimas usque ad tempus generalis transitus fideliter custodiendas. At religio nos jubet invigilare his decimis bene adhibendis ita, ut reapse in emolumentum Palæstinæ cedant. Igitur non videmus, quomodo pecuniæ vixdum provenientis usum diu ante trajectum maris permittere possimus. Attamen, quando crucis militiam inieris, illis de pecuniis viginti quinque selibrarum millia tibi tradenda curabimus fidem danti, te ad primum sacræ sedis mandatum ea redditurum esse, si transmarinum iter non suscipias. Scribebat 1. Aug. an. 1278.

Cum

Cum Robertus Kiluarbius sacra donatus purpura longam Angliæ salutem dixisset, monachi Cantuarienses Robertum Burnelium Episcopum Bathoniensem regiumque Cancellarium elegerant. Sed Papa infirmatis eorum suffragiis vacuam sedem Joanni Becano Ord. Minorum tribuit. Is in Suffexia obscurus natus parentibus, litteris operam Oxonii primum, dein Parisiis dedit, ubi Doctoribus adscriptus Theologiam tradidit. Postea ex Ordinis sui Ministro per Angliam Provinciali Romæ sacri palatii Magister evasit. Erat Ordinis sui studiosissimus, multa pro ratione illius temporis pangebatur carmina, eleganti gestu verbisque aptissimis animi sui sensus exprimebat, mitemque ac liberalem habebat indolem. A Papa ipso consecratus sequente demum anno in Angliam revenit. Amplum Ecclesiæ Lugdunensis sacerdotium (canonicatum vocant) possidebat, & per omnem vitam servabat suam, eo fugiturus, si forte in exilium mitteretur a Rege, cui sæpe fortiter obstitabat. Cantuariæ sedit annos tredecim ac dimidium.

Sæcul XIII.
A.C. 1278.

Matth.
Westmon.
p. 409.

Chr. Trived.
an. 1279.
Vading.
1279 n. 14.
Es de scrip.
p. 217.

Godvin. de
Presul.
p. 342.

§. XVIII.

Concilium Compendiense.

In Francia Collegia Ecclesiarum cathedralium crebras cum Episcopis suis